

**POLIS CU CONTROL
GRANDI DEN TRAFICO
BANDA DI DIVI VILLAGE**



WWW.SOLODIPUEBLO.COM



SOLODIPUEBLO@GMAIL.COM

BUSKEDA TA CONTINUA PA YATE LOCAL 'ENERGY' Y SU CUATER TRIPULANTENAN ARUBIANO



ARUBA LO REPRESENTA CARIBE DEN LITTLE LEAGUE WORLD SERIES 2025 NA WILLIAMSPORT



AWE E TA SINTI MESUN DOLOR CU EL'A CAUSA NA BENNY NISBET; KARMA A YEGA NA PORTA DI MIKE DE MESA



AIR INDIA: PILOTO MES A "CUTOFF" FUEL PA DOS MOTORNAN DI AVION DESPUES DI SUBIDA, SEGUN BLACKBOX



AIR INDIA: PILOTO MES A “CUTOFF” FUEL PA DOS MOTORNAN DI AVION DESPUES DI SUBIDA, SEGUN BLACKBOX

Segunde despues di subida i momentonan prome cu e vuelo di Air India a accidenta luna pasa, e fuel pa ambos motor di e avion a wordo corta, segun investigadornan a bisa diasabra mainta, den un evaluacion preliminar basa riba e grabacionnan di vos i data di e Boeing 787.

E investigacion preliminar a revela cu fuel pa e dos motornan di e avion di Air India a wordo corta intencionalmente poco despues di subida, causando un accidente

mortal dia 12 di juni cu 241 persona abordo.

Segun e report di Bureau di Investigacion di Accidente Aeronautico di India (AAIB), e switchnan di fuel pa motor 1 i 2 di e Boeing 787-8 a wordo poni na “CUTOFF” un tras di otro den apenas un seconde. Black box a graba un piloto puntrando e otro: “Pakico bo a cutoff e fuel? e otro ta contesta: “Mi no a haci esey.”

E avion tabata riba ruta pa London for di



Ahmedabad ora cu e accidente a tuma luga den un zona residencial, causando e morto di 229 pasahero i tur 12 miembro

di tripulacion. Un solo persona, Vishwashkumar Ramesh, a sobrevivir milagrosamente. Air India a expresa

nan dolornan i ta sigui cooperando cu e autoridadnan durante e investigacion

POLIS A STOP MECANICO DI CORE CU AUTO SIN LUS SIN NUMBER SIN NINGUN PAPEL Y A PONE BUSCA UN TAKELWAGEN RIBA SU PROPIO GASTO!



Diadomingo mainta un mecanico a dicidi pa bay dal un buelta cu un auto si lus sin number y sin ningun documento pa test. Pa su mala suerte polis a topa cun'e y a par'e. Polis a hala su atencion pasobra e ta insigur riba caminda si algo pasa. Polis a dun'e un boet y a pone e mecanico mes busca un takelwagen pa hiba e auto bek pa su garashi.



CHAUFFEUR A BIRA MALO TRAS DI STUUR BAY DAL 2 AUTO DI DIRECCION CONTRARIO!

Diadomingo mainta a drenta informe di un accidente cu hende herida na Tanki Leendert, mesora a dirigi tanto polis como 2 ambulans na e sitio. Na yegada di e patruya a bin compronde cu e chauffeur di e Honda Fit bayendo pariba diripiente a bira malo bay banda robes di caminda dal den banda di e Toyota Vitz pone e Vitz perde control mientras ela sigui bay dal e Hyundai Eon tambe debi na e impacto 3 persona a resulta herida di cual 2 a ser hiba hospital mientras e di tercer a ser atendi na e sitio mes.



WAK CUANTO PLACA PATRICK PASKEL A COBRA NA LOTTO: UN TOTAL DI 1.6 MIYON FLORIN SIN NUNCA FIRMA CONTRACT

From: Patrick Paskel <Patrick@teragrouppnv.com>

Date: Wednesday, December 27, 2017 at 5:45 PM

To: Ronald Van Den Berg <ronald@arubalottery.com>

Cc: Beverly Simmons <beverly@arubalottery.com>, Patrick Fortin <patrick@arubalottery.com>

Subject: Re: Contract Agreement 2018

Amigo Ronald,

Ta pasobra cu nos NO tin contract firma mes mi ta acerca Bo cu mi peticion, cu mi ta humilde y sincero. Na aña 2012 nos a cuminsa un relacion, pero manera por ripara, firmamento. Na aña 2015 a pidi pa firma un contract pero di parti Lotto no tabata di punto y manera por ripara, nos nunca a haya e contract bek firma, dus tampoco no tin.

Bisando bo esey, nos a traha di buena fe pa 5 aña di cual sin contract firma y bou un "stilzwijgend". Si acaso a firma esun di 2015 mes, e lo tabata pa un aña y despues ta indefini.

Ta pesey mi kier corigí e pensamiento di Ronald, cu nos lo tin un contract hunto, pas nunca.

Mi kier reitera cu no ta nos intencion pa cana ningun caminda legal cu CBN, pasobra cu Boso pa hopi aña mas, specialmente awo si considera e desaroyonan politico no CBN. Awo ta ora si cera cabes y mira padilanti.

Cu e hechonan aki riba mesa, mi ta acerca Bo respetuosamente insistiendo riba nos

Saludos,

Patrick Paskel
Tera Group NV

Documentonan reciente cu a sali na luz, ta revela un situacion alarmante cu a tuma lugar den Lotto entre 2012 cu 2018, den tempo di Gobierno di AVP: Patrick Paskel a cobra 1.605.614 florin di fondo publico durante su relacion cu Lotto pa Deporte (FLPD) y Canadian Bank Note Aruba (CBNA), sin un contrat firma. E suma aki ta consisti di 1.117.705 florin di CBNA y 487.909 florin di FLPD, tur cobra entre 2012 y 2018, den un periodo di por lo menos 6 aña. Tur esaki a pasa cu bendicion di Mike Eman, kende a pone man riba cabes di Patrick Paskel y dune e poder pa penetra den tur skina di gobierno,

pa saca placa.

Den un e-mail manda di Paskel na Ronald Van Den Berg, director di Lotto den e tempo ey, e mesun Patrick ta confesa cu nunca a existi un contrato firma: "cu nos NO tin contract firma mes mi ta acerca Bo cu mi peticion... nos nunca a haya e contract bek firma, dus tampoco no tin valides."

Apesar di esaki, segun e mesun e-mail, Paskel a sigui cobrando USD 10.000 pa luna, tur luna, durante 6 aña. E ta duna di compronde den e e-mail cu nan trahando riba base di un "maneho stilzwijgend", un acuerdo misterioso sin documentacion formal.

Suplica emocional pa sigui cobra placa publico

Ora e gobierno a cambia na 2018 y Lotto a pone fin na e relacion, Paskel a reacciona cu desesperacion, suplicando pa sigui page. Su e-mail ta revela: "Mi kier reitera cu no ta nos intencion pa cana ningun caminda legal cu CBN... Awo ta ora si cera cabes y mira padilanti." Un frasa cu ta pinta un portret cla: e no tabata pensa riba e meta di FLPD, ni e hubentud deportista cu mester mas apoyo, sino riba su mes ganashi. Su apelacion no tabata pa deporte, sino pa su portamonee.

Malversacion y evasion?

E caso ta trese recuerdo di otro escandalonan: E caso di RDA, unda tambe hopi a cobra, hopi placa malgasta sin aprobacion. E modus operandi ta parce: cobra suma grandi sin base legal y sin transparencia, sin contract. Aki pueblo por mira con placa di deportistanan tabata yega den cartera di Paskel. Anto despues e mes Paske ta grita na radio cu deportistanan ta para bandi caminda pa colecta placa y cu e deportistanan no ta haya placa. E gran pregunta ta: Ki trabao el'a haci? Un fuente na altura a bisa: NADA! Tur e placa aki a wordo declara na belasting? Of Patrick ta den mes un boto cu De Meza? FIOT ya a check e cos aki caba?

Su meta no tabata deporte,



sino su saco!

Un persona sin contrato, sin base legal, cu a cobra mas cu 1.6 miyon florin di fondo publico, y ora a perde su fuente di ingreso, a laga sa claramente cu su prioridad no tabata deporte, sino su saco.

Aki conteido di e e-mail:

From: Patrick Paskel
Patrick@teragrouppnv.com

Date: Wednesday, December 27, 2017 at 5:45 PM

To: Ronald Van Den Berg
ronald@arubalottery.com

Cc: Beverly Simmons
beverly@arubalottery.com, Patrick Fortin
patrick@arubalottery.com
Subject: Re: Contract Agreement 2018

Amigo Ronald,

Ta pasobra cu nos NO tin contract firma mes mi ta acerca Bo cu mi peticion, cu mi ta considera masha humilde y sincero. Na aña 2012 nos a cuminsa un relacion, pero manera por ripara, nunca a yega na un firmamento. Na aña 2015 a pidi pa firma un contract pero di parti Lotto no tabata di acuerdo cu un of mas punto y manera por

ripara, nos nunca a haya e contract bek firma, dus tampoco no tin valides.

Bisando bo esey, nos a traha di buena fe pa 5 aña di cual sin contract firma y bou un maneho di "stilzwijgend". Si acaso a firma esun di 2015 mes, e lo tabata pa un aña y despues tambe a bira pa tempo indefini.

Ta pesey mi kier corigí e pensamiento di Ronald, cu nos lo tin un contract hunto, pasobra esey no ta e caso nunca.


Mi kier reitera cu no ta nos intencion pa cana ningun caminda legal cu CBN, pasobra nos lo kier sigui traha cu Boso pa hopi aña mas, specialmente awo si considera e desaroyonan politico no mucho favorabel pa CBN. Awo ta ora si cera cabes y mira padilanti.

Cu e hechonan aki riba mesa, mi ta acerca Bo respuostamente insistiendo riba nos humilde peticion.

Saludos,

Patrick Paskel Tera Group NV


ACCIDENTE CU HENDE HERIDA NA KOYARI CHAUFFEUR A PEGA SOÑO BAY BANDA DRECHI BAHA FOR DI CAMINDA SUBI BEK BAY DAL RIBA CURA DI CAS BANDA ROBES



Diasabra mainta tempran a drenta informe di un accidente cu hende herida na Koyari, mesora a dirigi tanto polis, ambulans y

tambe bombero como cu un persona no por a habri e porta pa saca e victima. Na yegada di e patruya a bin compronde cu e chauffeur

di e Toyota Yaris a pega soño perde control baha caminda na man drechi despues subi bek baha na man robes y a bay dal na un kashi coriente di un cura di cas. Debi na e impacto e chauffeur a resulta herida y a keda pega den e auto. Na yegada di bombero a logra habri e auto y a saca e victima. Pone den ambulans nan a atende y a transporte pa hospital.



DURANTE TRABAO DI WELDERMENTO JEEP A PEGA CANDELA Y KIMA PARTI DI UN OTRO AUTO



Diabierna atardi laat a drenta informe di cu un auto lo ta na candela na Tamarijn, mesora a dirigi bomberonan na e sitio. Na yegada di bomberonan a bin compronde cu durante trabao di weldermento riba e Jeep esaki a pega na candela y e cayente di e candela a afecta un Honda Fit tambe pero e trabao di bomberonan a contene e candela. Despues di un rato a logra domina e candela y a paga esaki por completo.



Parlamentario Endy Croes:

UN HOBEN DI 4 PENSIOEN Y 74 AÑA PA MINISTER OTAMI Y HEYLIGER A VOTA “VOOR” PA BABA HERDE BIRA MINISTER Y A LAGA SAN NICOLAS CAY MANERA PATIA BERDE

Oranjestad-Diahuebs mainta Presidente di Parlamento a yama un reunion di Comicion Central cu urgencia na un manera no comun pa diripiente trata “gevoelens” pa Baba Herde por bira Minister lugar di Mike de Meza. Den agenda di Parlamento 11 ‘or di mainta tabata tin programa reunion cu Aruba Paralympic Committee. Mientras e comision ya tabata presente den sala den Parlamento a drenta un peticion pa trata nombracion di Baba Herde pa mesun orario. Cu tristeza mester a mira con Presidente di Parlamento Sneek a duna opdracht pa pidi e comision bandona Parlamento sin a wordo scucha pa asina usa e mesun orario pa nombracion di Baba Herde.

Fraccion di AVP cu cara ZUUR ZUUR a chupa e pruim!

Parlamentario Endy Croes a sigui splica cu el a scucha AVP den nan kamber cu hopi discusion y finalmente algo pasa di 11 am nan a drenta sala cu un cara hopi zuur. Tanto Endy Croes y Edgard Vrolijk a cuminsa cuestiona primordialmente Otami y Heyliger kendenan ambos por a wordo encarga cu e posicion di minister.

Con nan dos por aproba esaki? A reta ambos pa nan hiba palabra pero tur dos a keda cabes abou y no kier duna cara ni tabata contesta. AVP den totalidad hunto cu Futuro a bay di acuerdo cu e ‘gevoelens’ pa Staten cu nan ta di acuerdo y Pro Baba Herde pa e posicion di minister dilanti e propio hobennan di AVP den Parlamento. Manera a sera e reunion di Comicion Central aki Presidente Sneek a yama mesora un ‘Openbare Vergadering’ pa e aprobacion oficial. Sinta den sala di parlamento 11.45 am ta drenta un email cu e presidente ta yama e reunion publico pa 12 pm. Pues den 15 minuut na un manera relampago y na un manera dictatorial ta duna Parlamentarionan solamente 3 minuut pa hiba palabra cual normalmente ta 20 min of 30 minuut. Pues no tabata kier pa pueblo scucha e berdad.

AVP den totalidad a apoya Herde cu 4 tin pension y 74 aña pa Minister:

Parlamentario Endy Croes den su disertacion di 3 minuut a reta Heyliger y Otami pa nan hiba palabra. Sikiera felicita Baba Herde



of bisa algo. Tur di AVP a sconde tras di silencio y no kier a papia. Reyes ta unico cu a bisa 3 palabra cu un cara cora cora. Decision di Partijraad! Croes a sigui splica con Mike de Meza cu mas di 1400 voto y Otami y Heyliger hunto cu 600 voto superando 2000 voto hunto den San Nicolas ta laga De Meza cay y San Nicolas na caya y ta apoya un pensionado di 74 aña cu 4 pensioen pa bira Minister dilanti di e hobennan. A recorda e hoben Parlamentarionan den sala con AVP a campaña cu un politica nobo y moderno y awe nan mes ta vota pa un “sapato


bieuw” dilanti 9 otro hoben sinta den Parlamento. A bisanan awe boso lo chupa e pruim pa con zuur e por ta. Asina mes cu cara cora cora tur Parlamentarionan di AVP cu cara zuur zuur a chupa e pruim gritando “VOOR” pa Baba Herde bira Minister. MEP a opone totalmente pero Coalicion ta mayoria y a aproba e nombracion di Baba Herde di Companashi cu o voto pa representa San Nicolas como Minister. Credibilidad di Parlamentarionan di AVP sigur ta na suela. Un coalicion hopi ‘zwak Croes a termina bisando

ILEGALNAN MASHA TRIBI A BAY PONE COSNAN NA BEACH UNDA CU NO TABATA PERMITI Y ORA POLIS A BAY A RESULTA CU NAN TA ILLEGAL Y A SER DETENI!

Diasabra merdia a drenta informe di cu un problema riba beach unda algun persona ilegal a bay pone poco accesorionan riba e beach unda no ta permiti, mesora a dirigi un patruya na e sitio. Na yegada di e patruya a bin compronde cu aki ta trata di 3 persona cual ta ilegal na Aruba. Mesora polis a detene nan y a bay warda cu nan.



ACCIDENTE ENTRE 3 AUTO Y UN HENDE HERIDA RIBA CAYA G.F. "BETICO" CROES



Diabierna merdia a drenta informe di un accidente cu un persona herida na Caya G.F. "Betico" Croes, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente entre 3 auto unda un dama chauffeur bayendo pariba riba Caya G.F. "Betico" Croes a bay dal fuertemente tras di un pick-up y a manda esaki dal den banda di un Honda Fit di direccion contrario. Na prome instante e dama den e Suzuki Swift tabata keha di dolor y a solicita ambulans p'e pero un rato despues e dolor a desaparece.



ACCIDENTE PA FALTA DI PREFERENCIA NA ROTONDE BANDA DI POMPSTATION SASAKI UN CHAUFFEUR NO TIN RIJBEDIJS



Diadomingo madruga a drenta informe di un accidente na e rotonde chikito banda di e pompastation Sasaki, mesora a dirigi un patruya

na e sitio. Na yegada di e patruya a bin compronde cu aki ta trata di un accidente unda un v-wagen Chevrolet a subi dilanti un Honda Fit. E Chevrolet a

bay subi e rotonde y a bay dal e Honda Fit maneha pa un persona sin rijbewijs. Afortunadamente ningun hende a resulta herida.

BOTO DEPORTIVO CU 4 ARUBIANO DESAPARECI: WARDACOSTA A ACTIVA BUSKEDA URGENTE

Den ora nan di diadomingo marduga, centro maritimo operacional di Wardacosta a ricibi un notificacion relaciona cu un boto posiblemente perdi riba lama. Ta trata di un boto di pesca deportivo cu a sali diasabra mainta for di Aruba.

E boto mester a bin bek diasabra prome cu solo a baha. Un total di 4 piscado local ta abordo di e boto. Mes ora, den ora nan di marduga, a manda un

patruxa di Metal Shark lama y conhuntamente a manda e helicopter y avion di Wardacosta pa tambe yuda cu e buskeda. Personal di centro operacional maritimo tambe a manda un mensahe pidiendo tur boto den bisindario pa ta na altura di e situacion y pa posiblemente yuda busca.

Diadomingo mainta asina solo a sali, a continua cu e buskeda. Keda pendiente pa mas informacion.



AWE E TA SINTI MESUN DOLOR CU EL'A CAUSA NA BENNY NISBET; KARMA A YEGA NA PORTA DI MIKE DE MESA

Awe, Mike de Mesa ta sinti e mesun dolor cu e mes a causa, hopi aña pasa, na un hende cu a confia den dje: señor Benny Nisbet (+). E mesun tristo sentimiento di traicion, di decilucion, di dolor, ta bati e mes porta cu na 2008 el'a pa causa na otro.

Pueblo no por lubida con e “ultimo cena” politico entre Benny y De Meza.

Mike a sinta na cas y na mesa di Benny, a come hunto, a papia di futuro, di union, y confianza. Pero un par ora despues, tur cos a cambia: Den ora di mainta Mike de Mesa a sali oficialmente cu AVP,

traicionando e confiansa y e apoyo cu Benny a duna na dje. Ta un hecho cu Benny Nisbet nunca a supera completamente e traicion aki. E ta un traicion cu a kibra e relacion, y a lanta hopi duda riba sinceridad den politica.

Awe, Mike de Mesa ta sinti su propio “ultimo cena”. Despues di tanto lucha pa AVP y speranza, e no a ricibi e yamada pa bira minister. E no ta bira minister den gabinete di AVP Futuro. E dolor ta di berde mes, e decilucion ta grandi.

Awor nos por ripiti cu claridad: Mike de Mesa

ta sinti exactamente loke Benny Nisbet a sinti. E mesun cuchiu cu el'a hinca, a bolbe bek pa hinca su mes.

Esaki ta un les di bida: loke bo sembra, bo ta cosecha. Karma no ta perde adres, i na su tempo, e ta trece e berdad dilanti. Esaki no ta un deseo malo, sino un refleho husto di un acto di pasado.

Mike de Mesa, awe bo ta sinti loke Benny Nisbet a sinti den 2008/2009. Loke bo a hasi cu otro, a bolbe pa bo mes. Hopi hende lo mira esaki como un acto di husticia moral. Cu e dolor cu bo ta pasa awe,



hopi hende ta spera cu bo lo arepentí e caminda cu bo a tuma i compronde cu lealtad no tin prijs.

Na fin di dia, e bida ta drecha tur cos. Y cada traicion ta laga su marca, den historia, den pueblo, y den consenshi.

DISCUCION ENTRE MUHERNAN RIBA PARKINGLOT DI CORAL PLAZA A ESCALA BIRA PLEITAMENTO CU A TERMINA CU DETENCION



Diadomingo madruga un pleitamento entre a dreña informe di muhernan riba parkinglot

di Coral Plaza, mesora a dirigi un patruya na e sitio.

Na yegada di e patruya a pidi refuerso ya cu e situacion tabata tenso y pelea a cuminsa polis a papia varios biaha cu un di e muhernan involvi pero e no tabata worry mes cu e polisnan. Na yegada di e refuerso a logra controla e situacion pero como cu un



di e muhernan aki tabata nada otro pa polis detene e bao influencia no a keda muhe aki.

PROME GRUPO COMERCIAL A ADOPTA PROYECTO DI REFORESTACION



Diahuebs atardi, a tuma luga un ceremonia special na e rotonde chikito entre ex-Ministerio Publico, Renaissance Wind Creek Hotel y Bestuurskantoor. Ta trata aki di un ceremonia den cual Grupo Bennu, a duna un impulso na e vision nacional di reforestacion plantando un cantidad di mata nativo riba e rotonde.

Na e ocasion special aki, Prome Minister mr. Mike Eman, encarga cu e manejo di naturalesa, a comparti un experiencia personal locual a contribui na e sentimiento profundo cu e mandatario tin pa e naturalesa di Aruba.

Na 2020, durante tratamiento di chemoterapia di Prome Minister su casa Doina durante pandemia di Covid19, tabata den un estado di salud delicado cu un sistema inmunologico reduci door di e tratamiento. Ademá Prome Minister mester a percura pa keda isola for di comunidad pa evita cu Covid toca su casa cu tur consecuencia pa su estado di salud. Canando den patio di su cas, Prome Minister a topa cu un pochi mata cu un pida cadushi chikito tabata crece pero wantando na e plastic di e pochi y casi nada di tera, pero

determina pa sobrevivir. Cu hopi delicadesa, a saca e cadushi chikito y a planta esaki den un pochi mas grandi y a cuida esaki mescos cu a cuida su casa. Awe Doina ta saludabel y e cadushi mientrastanto a crece y a bira alrededor di 60 cm.

Durante e mesun periodo, Prome Minister Eman a dedica na skirbi un buki riba e alma di Aruba, “Ziel van Aruba”, den cual a sondea kico ta e elementonan cu a haci Aruba asina special cu nos por a travesa momentonan dificil. Esakinan a sirbi como un afeccion special pa naturalesa y cultura y na momento cu a yega momento pa forma un Gabinete, Prome Minister a reflexiona riba kico mas e por contribui cune pa nos pais. E afeccion aki pa nos naturalesa, a pone Prome Minister scohe pa e cartera di naturalesa y cultura.



“Nos bida a wordo forma door di nos naturalesa, e caracter di nos hendenan, e cultura di nos hendenan a wordo forma door di nos naturalesa”, Prome Minister a expresa. “E mesun segura a haci nos hendenan persistente, a haci nos hendenan determina, pero a haci nos tambe hendenan cu ta traha den solidaridad cu otro, pasobra cosecha di un tabata wordo parti cu otro cu no tabatin”. Cu inicio di e programa di reforestacion, ta duna e plan nacional di reforestacion un impulso importante. Cada mata ta representa ken nos ta y ken

nos por ta y e contribucion cu lo haci cu e reforestacion cu 100 mil mata, lo yuda nos naturalesa, cambio climatico y apariencia di Aruba. Prome Minister a gradici Grupo Bennu pa adopta e rotonde aki y inclui e vision den e renobacion. Ademá Prome Minister a gradici alrededor di 27 stakeholders cu ta trahando hunto cu Gobierno riba e plan nacional di reforestacion y ta planificando e caminda cu mester cana pa completa e obhetivo di planta 100 mil mata den e siguiente 4 año.

ARUBA LO REPRESENTA CARIBE DEN LITTLE LEAGUE WORLD SERIES 2025 NA WILLIAMSPORT

Aruba Center Little League a logra un exito rotundo pa titula campion pa segundo aña consecutivo, despues di gana e Campeonato di Region Caribe cu un score di 9-7 contra Republica Dominicana na Curacao. Cu e victoria aki, e team ta bai representa Caribe den Little League Baseball® World Series 2025, presenta pa T-Mobile, cu lo tuma lugar na Williamsport, Pennsylvania.

Aruba Center LL a tuma parti den e torneo cu un record di 4-1, despues di perde un di nan partido di pool-play contra Pariba

Little League. Nan a logra bini bek fuerte y a gana dos siguiente partido pa asegura nan pasashi pa e gran torneo internacional.

E ta di tercer biaha cu Aruba Center Little League ta bai participa den e mundial. Nan a participa anteriormente den 2011 y 2024. Den 2024, Aruba a termina cu un record di 2-2, despues di perde contra Latino America.

Segun e sorteo cu a tuma lugar dia 11 di juni durante National Little League Week, Aruba lo yega den accion dia 15 di augustus, 5 p.m., den Volunteer



Stadium. Nan lo hunga contra e team cu ta gana di Game 3, entre Panama y Australia.

E Little League Baseball World Series 2025 lo

cuminsa oficialmente dia 13 di augustus y e final lo tuma lugar dia 24 di augustus. Informacion adicional tocante e evento, incluyendo horario y informacion pa bishitante,

ta disponibel riba e website oficial di LLBWS.

Ta desea Aruba Center Little League hopi exito!

FUNDACION ORGUYO TA CELEBRA UN AÑA DI IGUALDAD MATRIMONIAL NA ARUBA: 19 PAREHA DI MESUN SEXO A CASA DESDE E DIA HISTORICO AKI

Oranjestad, Aruba — Riba 12 di juli 2024, Hoge Raad (Corte Supremo di Reino Hulandes) a tuma un decision historico cu a amplia igualdad den matrimonio pa Aruba y Curaçao, declarando cu exclui pareha di mesun sexo for di matrimonio civil ta contra e principio di igualdad estableci den e constitucion di nos isla. Fundacion Orguyo a lucha duro desde 2019 y a gana den e corte di Prome Instancia na Aruba, y tambe na Corte

Comun di Husticia na Curaçao. E victorianan aki no ta solamente logronan legal, sino afirmacion di nos humanidad comun y e derecho innegabel pa stima libremente.

Awe, un aña despues di e veredicto final di Hoge Raad, Fundacion Orguyo ta conmemora e prome aniversario di e momento historico pa cu e derechonan di e comunidad LGBTQ+ na Aruba, compartiendo e siguiente logronan:

For di e fecha di implementacion te cu awo, 19 pareha di mesun sexo a casa legalmente riba nos isla:

- 9 pareha di muhe
- 10 pareha di homber


E matrimonio nan aki ta simbolisa hopi mas cu solamente un union legal — nan ta representa amor, reconocimiento y dignidad igual pa tur hende. E desicion di Hoge Raad tabata basa riba e constitucion di nos isla y aña di lucha pa igualdad den nos comunidad. E




corte a conclui cu nenga derecho matrimonial na pareha di mesun sexo ta discriminatorio, y a duna e direccion cla pa Aruba bira mas inclusivo (huridicamente) Fundacion Orguyo ta celebra e paso importante aki den nos progreso

colectivo, y ta reafirma su compromiso pa sigui lucha pa un futuro caminda tur amor ta respeta, visible y protehi, y esaki no solamente den matrimonio, pero den tur aspecto di nos sociedad

POLIS CU CONTROL GRANDI DEN TRAFICO BANDA DI DIVI VILLAGE



Diabierna anochi polisnan a cuminsa cu control grandi den trafico banda di Divi Village, e control tabata enfoka mas tanto riba un control general unda tabata controla tur cos. Nan a para diferente vehiculo tanto pa e condicion di e vehiculo como tambe e chauffeur y si e papelnan ta na ordo.



MASTER YOSHMAR WEVER Y MASTER ALBERTO KLABER A ENTREGA RELATO DI COLLECT

Diabierna mainta trempa Master Yoshmar Wever y Master Alberto Klaber di Taekwondo Team Aruba a entrega e Relato di Collect di Januari 2025 te cu Juni 2025 na warda di Polis Oranjestad y despues a entrega un Relato di Collect na Minister di Husticia Drs. Arthur Dowers.

Den e Relato di Collect tin describi tocante di e placa cu a wordo colecta den e prome 6 lunanan di aña y e placa di e rifanan

cu e mayornan di atletanan a bende den e prome 6 lunanan. Den e relato tin un amplio splicacion di e gastonan di e biahenan cu e atletanan a realisa pa e aña aki caba hunto cu tur e recibonan. Minister di Husticia Drs. Arthur Dowers a keda hopi sorprendi cu e Relato di Collect y a remarca cu nos ta e unico cu ta entrega Relato di Collect y ta mira e transparencia den Taekwondo Team Aruba. Minister Drs.

Arthur Dowers a felicita Master Yoshmar Wever y Master Alberto Klaber pa e bon trabou cu nan ta haci pa nos hobennan.

Esaki ta e transparencia di Taekwondo Team Aruba y ta wordo controla pa Grand Master Melvin Rasmijn cu ta selecta e atletanan cu ta cla pa biaha. Cada atleta mester bende nan rifa cu ta parti di nan eigen bijdrage y mester tin un average di mas di 50% di training cu ta



wordo controla tur siman.

Master Yoshmar Wever
y Master Alberto

Klaber ta gradici tur e automobilistanan pa nan contribucion.

Parlamentario Evelyn Wever-Croes

ANDRE HENDERSON CU UN EXPOSICION SUMAMENTE IMPRESIONANTE RIBA HERENCIA DI SCLAVITUD



Recientemente Parlamentario Evelyn Wever-Croes tabata na Fort Zoutman pa atende un exposicion sumamente interesante di e pintor Andre Henderson c uta un pintor Mericano cu a

bin Aruba pa comparti su obranan riba e tema di herencia di sclavitud.

Parlamentario Wever-Croes a expresa cu e exposicion aki tabata hopi impresionante mirando

cu e calidad y finesa di e arte y su forma di pinta ta unico. Loke a resalta aun mas ta e mensahe cu e kier a trece dilanti cu su arte. Cada obra ta papia riba nan mes y tin nan mesun storia. Señor Henderson a concentra su mes hopi riba sclavitud transatlantico, riba e transporte di esclavonan di Africa pa e continente Mericano y e impacto cu esaki tabata tin na Africa y den e continente Mericano.

Pa tur esnan cu lo desea di siña mas riba nos herencia di sclavitud y mira kico tur a pasa den nos historia, of simplemente kier mira un exposicion di calidad hopi halto aki na Aruba na Fort Zoutman por pasa admira esaki tur dia den siman di 9 am pa 5 pm. Durante e evento cultural “Bon Bini Festival” tambe e lo ta habri y riba diasabra



tambe (orario ta varia).

“Manera semper mi ta bisa bo mester conoce bo historia, pa bo comprende e presente pa bo por ta exitoso den futuro. Mi ta gradici Andre Henderson

pa a confia Aruba cu su obranan y tur esnan cu a haci esaki posibel. Mi ta recomenda tur hende pa pasa wak e exposicion aki.” Parlamentario Wever-Croes a expresa.

TRAHA UN INSTRUMENTO RECICLA CU BLIKI, CARTON, FOAM, LIJM Y OTRO MATERIAL

Biblioteca ta cla pa ricibi tur mucha pa siña traha instrumento recicla. Esaki ta tuma lugar na biblioteca publico Oranjestad dia 17 di juli. Durante vakantie mucha por traha instrumentonan recicla cu bliko carton, foam, lijm, ta e materialnan cu nos lo uza. E actividad ta cuminsa 10or di mainta pa 12or. Nos ta warda nos muchanan. E siman despues (dia 23 di juli) ta ripiti e actividad na biblioteca San Nicolas, mesun ora. Participacion ta gratis. Esaki ta un actividad publica den Buki di Pret. Un buki cu a bay tur scol. Buki di Pret ta stimula tur mucha pa keda activo y creativo durante vakantie.



POLIS Y BOMBERONAN A BAY CATIRI PA UN CAS NA CANDELA



Diasabra atardi a drenta informe di cu lo tin un cas na candela na Catiri, mesora a dirigi tanto polis como bombero na e sitio. Na yegada di e patruya a bin compronde cu aki ta trata di un bela cu e habitante a laga cendi den camber y a cay riba carton y a pega na candela. Na yegada di e bombero e habitantenan mes a logra paga e candela.



Oracion di dia

Un feliz comienso di siman bendiciona yena cu amor di Señor.

"ESUN CU STIMA SU MAMA OF SU TATA MAS CU MI, NO TA DIGNO DI PERTENECE NA MI; ESUN CU STIMA SU YIU HOMBER OF SU YIU MUHE MAS CU AMI, NO TA DIGNO DI PERTENECE NA MI." MATEO 10,37

Un di e mandamentonan ta pa honra nos mayornan y den Bijbel ta para cu yiunan ta un bendicion di Dios. Pero awo Hesus ta adverti nos cu e stimacion pa nos mayornan of yiunan por ta un obstaculo den nos siguimento na Hesus. Di ki manera anto nos por ta stimando nos mayornan of nos yiunan mas cu Hesus? Esey ta cada bes cu nos ta sigui un tradicion di nos mayornan/ antepasadonan cu tin elementonan cu ta bay contra e enseñansa di Hesus, cada bes cu nos ta acepta escogencia di bida di nos yiunan cu ta bay contra e plan di salvacion di Hesus.

Cada bes dus cu nos ta keda sin uza sano huicio pa husga custumbenan, comportacionnan y ideanan na e idealnan cristian, nos ta stimando hende mas cu Hesus. Nos no por laga miedo, complacencia of demotivacion stroba nos di para firme pa Hesus. No tur ora mester bisa of haci algo cu por causa mas friccion den famia. Tin biaha cu bo silencio durante cierto combersacionnan of ausencia na cierto reunionnan familiar ya bo ta muestra cu bo ta stima Hesus riba tur cos.

Oracion: Señor Hesus, nos ta stima Bo.Yuda nos stima nos sernan keri manera Abo ta stima nos. Y no permiti pa nos separa nunca for di Bo.

Amen.

FORTALEZA PA FAMIA.

Scirbi pa Pastor Marcel Balootje.

NO HACI BOFON DI DIOS, NO HUNGA CU CANDELA

Tin hopi hende ta biba cu e pensamento robes cu Dios no ta rabia, y cu fierno no ta existi, bisando algo cu no ta scirbi ningun caminda den Bijbel, cu ta aki bao mes ta fierno.

Awel depende e tipo di bida cu hende ta biba cu e ta yama tera fierno, pero un hende cu tin Fe den Dios, cu tin Cristo Hesus como su Senyor y Salbador sabi bon, bon, cu aki bao no ta fierno.

Ban papia na prome lugar cu rabia y furia di Dios, pasobra furia ta hopi mas cu djis rabia.

Den Colosensenan 3:5-6 ta para scirbi: Pesey considera e miembronan di boso curpa terenal, como morto pa inmoralidad,impuresa, pasion, deseo malo, golosidad cu ta igual na idolatria. Pasobra ta pa motibo di e cosnan aki cu e furia di Dios lo bin riba e yuinan di desobedencia.

Den Romanonan 2 : 5 ta para scirbi : Ma pa motibo di bo capricho y bo curason cu no ta arepentí,bo ta montona furia pa bo mes, den e dia di furia y revelacion di e huicio di Dios.

Den Juan 3:36 ta para scirbi: Esun cu kere den e Yiu tin bida eterno, ma esun cu no obedece e Yiu lo no mira bida, ma e furia di Dios lo keda riba dje.

Ta para scirbi den Hebreonan 10: 26: Pasobra si nos sigi peca boluntariamente, despues di a ricibi e conocimiento di e berdad, no a keda sacrificio pa pica mas. Sino un cierto expectaculo teribel di huicio,y e furia di un candela, cu lo caba cu e adversarionan.

Aki nan nos por mira te na unda bofon y desobedencia por hiba hende.

Pasobra ora nos ta mira un hende ta haci

maldad, y pa mantene amistad cu e hende, nos ta prefera bay contra palabra di Dios pa complace hende, nos ta bira adversario di Dios, pasobra nos sa, pero nos ta reprende e persona.

Awor hopi hende ta bisa cu Fierno no ta existi, pasobra nan ta kere den fabula di hende y no den e palabra di Dios. Den Lucas 16:18-31 fierno ta wordo presenta na tur hende, cla y raspa, pa asina ningun hende no bisa cu nan no tabata sa.

E buki di Judas 1:1-16 tambe ta duna varios splicacion di fierno.

E buki di Revelacion 20:11-15 ta bisa cu esnan cu nan nomber a wordo hanja scirbi den e buki di bida lo wordo tira den e lago di candela.

Juan 3;16 ta splica na unda esnan cu no ta kere den e Yiu unigenito lo bay, pasobra nan ta biba bao di condenacion.

Ta dos lugar tin un ta cielo y e otro ta fierno, pero tur dos ta depende di bo mes con bo ta biba, pasobra si bo biba leu for di Dios , mara na inmoralidad, pica y perversidad lo bo hereda morto eterno den candela di fierno, ma si bo biba cu un bon relacion cu Dios poniendo Cristo Hesus na prome lugar den bo bida, lo bo tin bida eterno den cielo. (Juan 14:1-4).

Awor nos tur sa y ta compronde cu Dios ta rabia (Numbernan 11;1-3), y su furia ta lanta y cu fierno ta existi, (Mateo 13;36-43) ,pero tin un manera pa scapa di rabia y furia di Dios, esey ta door di arepentí di nos picanan y entrega nos bida na Cristo Hesus completamente y mantene un bon relacion cu Cristo y sigi perservera te na final.

Nos ta bibando den tempo trabahoso, no ta tempo di haci wega mas.

Sinceramente, Pastor Marcel Balootje.

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

CREMACION DI CURPA DI UN DEFUNTO TA PROHIBI PA DIOS TATA

Nos por mira claramente cu den Bijbel e tradicion di Israel, e hudiunan ta dera semper nan curpa morto. Mientras cu den mundo tin pueblonan den creencianan paganismo, den reencarnacion y nan si ta crema y ta kima nan curpa morto. Tin paisnan na mundo no ta permiti cremacion di curpa. Bijbel ta bisa, cu nos curpa ta bira stof manera cu mester ta durante tempo, pero Bijbel no ta bisa, cu nos curpa ta bira shinishi pa medio di kimamento di curpa. Den Bijbel Genesis 3: 19, Dios Tata ta bisa: “Cu sodo di bo frenta lo bo come pan te dia cu bo bolbe den tera, pasobra ta di eyan bo a wordo saka. Pasobra di stof bo ta y di stof bo ta bolbe bira.”

Bijbel Eclesiastes 12: 7 ta bisa: “Bo curpa ta bolbe bira stof, ta bay bek den tera y bo alma ta bay bek na Dios, pasobra ta El ta esun cu a duna b’e.” E tradicion di deramento di curpa, ta wordo demostra den Bijbel Testamento Bieuw y tambe den Testamento Nobo. Lesa loke Bijbel ta bisa den 1 Corinthionan 15: 44, Apostel Pablo ta bisa: “Ta dera un curpa mortal y un curpa spiritual ta lanta for di morto.” Den Bijbel Mateo 27: 59 y 60: “Hose di Arimatea a cohe e curpa di Hesus, a lor’e den un panja nobo di lenen y a pon’e den su mes graf. Tabata un graf nobo cu el a laga coba den baranca.” I tin hopi mas capitulonnan den Bijbel cu ta papia

di deramento di curpa y no di kimamento di curpa. Pa medio di bautismo, nos curpa ta tempel di Dios Spirito Santo cu ta biba den nos y ta haci nos curpa un instrumento di honor pa Dios Tata.

Por mira e curpanan di e Cristiannan y di e Santonan cu a muri hopi siglonan pasa y nan curpa a keda intacto, incorumpibel pa motibo di nan bida santo. Por ehempel, San Padre Pio, Sta. Bernadette Soubirous, Sta. Cecilia, San Huan Bosco, San Juan Vianney y hopi mas defuntonan cu a muri y nan curpa a keda incorumpibel, den Bijbel e salmo 16: 10 y 11 ta bisa: “Pues Bo no ta entrega mi alma na morto, ni Bo ta laga mi curpa sufri corrupcion. Bo ta mustra mi e caminda di bida, e goso grandi cu ta di mira Bo Cara, delicianan pa eternidad banda di Bo.

” Pesey ta con un famia ta laga crema curpa di nan ser stima y mientras cu Cristo-Hesus kier pa curpa di hende keda incorumpibel pa motibo di nan bida Cristian y santo? Cristo-Hesus mes a wordo dera y E’l a lanta Su mesun curpa for di morto, p’esey tur hende Cristian ta kere cu nan deramento den santana ta un testimonio pa e Resurreccion cu tin di bini. Nos curpa ta tempel di Spirito Santo y p’esey nos curpa mester wordo trata cu honor y cu respet. Ta con un famia lo bai sinti, cu nan ser stima a pasa pa

medio di candela ardiente y a bira shinishi? Na anja 1886, e Santo Oficio di Vaticano a prohibi e cremacion di curpa na e funeralnan. Na final di siglo 19, tabata tin lantamento y protestanan di hendenan no Catolico na Europa pa promove e cremacion di curpa. E Iglesia Catolico a rechasa e movimientonan aki, pasobra e hendenan aki cu ta defende cremacion, nan tabata rechasa e creencianan Cristian di inmortalidad di alma y nan no tabata kere den e resurreccion di curpa.

ECodigo di Derecho Canonico di anja 1917, Iglesia Catolico ta prohibi un deramento Cristian, na cualkier persona cu a ordena pa su curpa wordo crema. Na anja 1963 Vaticano a cuminsa permiti cremacion di curpa, solamente ora un persona muri den enfermedad di epidemia, na paisnan na unda cu no tin lugar pa dera y na ora di desasternan y guerra. ECodigo di Derecho Canonico actual di anja 1983 den e Canon 1176 ta bisa: “Iglesia Catolico ta conseha su fielnan, pa conserva e piadosa custumbrenan di deramento di curpa di e defuntonan.” Awor, ta e famianan ta keda responsabel, si ta dera nan defuntonan manera cu Dios Tata kier of manera e otro creencianan di mundo ta haci. E responsabilidad aki ta keda pa cada un di nos dicidi segun su consenshi. Seferino Tromp

ENTRADA JUDICIAL CU DETENCION NA 2 CAS DI BOUNCER RELACIONA CU MALTRATO



Pa ta exacto den madrugada un caso di maltrato na un di dia 16 di Maart a sosode snacktruck di cuminda


unda cu 2 bouncer a maltrata un DJ cu tabata den compania di un mucha muhe y e mucha muhe aki a cana bay laga e DJ na e sitio.

Un rato despues polis a bin logra haya e victima banda di Sasaki. Despues di casi 4 luna polis hunto cu recherche a logra detene 2 bouncer na nan cas.

Na e cas nan lo mester a haya e arma usa y a confisca esaki tambe pa e investigacion.



MAMA DI
EDAD TA
SIGUI TA
VICTIMA
DI YIU CU
PROBLEMA,
A LAGA E
MAMA CAY
HERIDA SU
BARICA Y
MANNAN



Diabierna anochi a drenta informe di un dama di edad cu ta sigui ta victima di su mesun yiu cu ta agredi e mama y maltrate. Mesora a dirigi tanto polis como ambulans na e sitio. Na yegada di e patruya a bin compronde cu e biaha aki e yiu a pone e mama cay y herida su mannan y barica. Na yegada di e ambulans nan a atende e mama y a transporte pa hospital.

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi 🌙 - July 13, 2025 CORRECTION		
 Sorteo # 8593 2291 4757 4130  FP  Sorteo # 7637 9442  X5  Sorteo # 2342 2986  Sorteo # 6396 7546 Tauro  Sorteo # 1326 184  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 220.000,-	 Sorteo # 6883 0 x Jackpot 6 x Match 4 178 x Afl. 8,00 Proximo Jackpot 53.000,-
 Sorteo # 1783 0 x Jackpot 0 x match 4 1 x Afl. 500,00 54 x Afl. 50,00 65 x Afl. 15,00 Mega Ball 14 Proximo Jackpot 260.000,-	 Afl. 360.000,-	
 Sorteo # #VALUE! Sorteo # 198 153824 		

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi 🌙 - July 13, 2025		
 Sorteo # 8594 3102 5306 6378  X5  Sorteo # 7638 8985  X3  Sorteo # 2343 5189  Sorteo # 6397 4334 Sagitario  Sorteo # 1327 654  X2	 Sorteo # 2609 0 x Jackpot 0 x Match 4+ 5 x Match 4 109 x Afl. 12,00 Proximo Jackpot 235.000,-	03-20-24-29-34 Joker 26 Letter H Proximo Jackpot 235.000,-
 Sorteo # 6884 0 x Jackpot 9 x Match 4 158 x Afl. 8,00 Proximo Jackpot 54.000,-	05-10-11-15-29 Proximo Jackpot 54.000,-	
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 260.000,-	 Afl. 360.000,-	
 Sorteo # #VALUE! Sorteo # 199 157973 		

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🌞 - July 13, 2025		
 Sorteo # 4678 0202 4434 8446  X5  Sorteo # 4678 9505  X3  Sorteo # 2734 0617  Sorteo # 4678 4587 Libra  Sorteo # 1552 568  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 220.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 53.000,-
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 260.000,-	 Afl. 360.000,-	
 Sorteo # #VALUE! Sorteo # 154742 		

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🌞 - July 13, 2025		
 Sorteo # 4679 5499 7068 4585  X3  Sorteo # 4679 4093  X5  Sorteo # 2735 6968  Sorteo # 4679 5814 Tauro  Sorteo # 1553 881  X3	 Sorteo # 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 235.000,-	01-04-09-12-20 Proximo Jackpot 55.000,-
 Sorteo # 6885 0 x Jackpot 3 x Match 4 110 x Afl. 8,00 Proximo Jackpot 55.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 260.000,-	
 Afl. 360.000,-	 Sorteo # #VALUE! Sorteo # 200 154742 	

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



A tuma un par di dia pa kom bij di e dushi vakantie na Madre Patria cu famia. Y ya nos a cumpli cu algun otro famia, atende entierro di nan sernan keri cu a bay nos dilanti y nos a bishita famia di un amiga, cu ta sufriendo kebrante di salud, pa nos por a canta algun cantica cu nan, despues cu Pastor Jairo a hasi un oracion bunita cu nan. Ta momentonan pa duna forza y alegre e alma y curason sigur ! Den siman tray lomba Lady Ruth a bishita tambe e bunita exposicion di Sclavitud y Libertad cu tawata exhibi den e sala di e Museo den Fort Zoutman Willem III Toren den su ultimo dianan, y a wordo ricibi calurosamente pa e cabayero semper

atento y servicial trahando ketobay ,Roy Feliciano, y a topa cu Nicole y Shaz di New Jersey y despues tambe Jody, e pareha di Andre e artista pintor, a yega. Un tema doloroso pa akibandanan tambe di mundo, specialmente riba nos islanan ruman Corsouw y Bonaire. Nos no a hanja mucho les di esey na scol of no a hanja mes antes tempo di nos hubentud. Of ta asina hopi tempo pasa, cu nos no ta corda di a hanja esaki como parti di “geschiedenis” na scol. Ta te ora cu Lady Ruth a bay Bonaire wak e slavenhutjesnan y bay Corsouw y wak e museo Cura Hulanda cu nos a keda impacta cu hendenan tawata wordo trata malo y bendi como esclavo etc.pa motibo di nan color di cuero. Hopi pero hopi tristo mes ! Danki Dios cu ya ta basta anja cu nan a wordo libera. E exposicion den Fort Zoutman tawata di e artista di Merca, Andre Henderson cu a laga demonstra su bunita obranan di arte di laman den e olanan brabo cu a guli acepta y ricibi esnan cu a muri abordo cu a wordo tira na awa, y duna nan paz . Por a wak un obra di bayle prome cu nan a wordo gara como esclavo y hopi mas obra den colornan bunita exhibi, colornan colorido cu mester purba tapa e dolor di e tema scur y doloroso aki di esclavitud. Of pa accentua e sintimentonan di paz y tranquilidad den nan alma fuerte cu si no por a wordo horta of kita fei nan. E fecha di Abolicion di Sclavitud cerca nos y Surnam ta 1 Juli 1863.

Danki na e.o. sra Maria Silva Hart di Vibration PR cu a laga trese e exposicion aki Aruba. Lady Ruth a atende e entierro di John Zara di Dakota y por a saluda amigo Netto y tambe ruman Juffrouw Grace Zara, deseanan tur hopi consuelo y amor .Un of dos dia despues Ruthy a atende e entierro di Rory Arends, un legendario y pilar den turismo. (Tawatatin 3 dia cu e oportunidad di condoleer pa Rory y nos a logra

bay e ultimo dosnan) Nos por corda con bunita e cantante hulandes Frank de Jong a canta cancionnan bunita di Frank Sinatra y e speech bunita di un cabayero colega amigo den turismo di Rory, tempo di nan tempo. Nos a honra e deseo di Aby, e yui muhe di Rory y Lucy awe ambos den felis memoria, y a inspira y recita un bunita poema cu Dr. Roderick “Rory” Arends na mente, alma y curason. Mi kerido esposo a conose Rory, tempo Johan tawata traha cu computer pa toeristenburo hopi anja pasa. Nos a conose Lucy y Rory como un pareha dinamico den turismo.

Lucy tawata traha den oficina na Aruba Beach Club/Casa del Mar e tempo ey, mientras su esposo Rory tawata briya cu su bon ideanan, projectonan y trabaonan den turismo all over.(E di 3 dia di condoleer pa Rory , Ruthy tawata contento di por a topa un ratito asina cu sra. Myrna Jansen Feliciano y Glennys Tromp ambos tambe pilarnan den turismo , nan tambe a of ta traha pa hopi anja cu hopi pasion den e ramo turistico .)(Nos otro compromiso no a duna nos bay mas tempran e mainta aki, pero si na tempo pa a scucha un sra . canta e cancion “Vaya con Dios” masha masha bunita mes y duna Aby un extra bearhug .) Lady Ruth tawata traha den activities como social hostess na Aruba Beach club/ Casa del mar den anjanan nobenta asina, y ta corda e dos bunita cara y curasonnan aki di Myrna y Glennys. Un otro pilar den turismo : Jan van Nes. Awor cu su mesun restaurant Peruano cu cuminda hopi pero hopi dushi mes ! Un bearhug pa bo lieve Jan van Nes, unda cu bo por ta !!!

Nos a hasi conosi despues tambe cu Abigail “Aby” Arends cu tambe a bira un profesional den su ramonan di trabao y tambe cu e tokenan spiritual di su bunita mama Lucy, cu ta un di e rumannan bunita di nos



amigo Pedro”Shon Pe” Krozendijk y di e elegante Sra. Filomena Croes. Un famia bendiciona pues cu a y ta duna Aruba di nan capacidnan profesional cu amor. Rory dfm tawata gusta bay pasa ratonan agradabel cu su amigo y amiganan na e happy hournan di Djiespies ariba Diabierna. Ela wanta duro te na ultimo, pero a acepta e yamada di su Creador di amor y a bay sosega hunto cu su bunita sra.esposa Lucy. Nos condolencia, consuelo y hopi amor na lieve mooie Aby, na demas famianan, amigonan tur. Un “bearhug” grandi di Lady Ruth !!!